



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02-11-4-8155-11/22

Datum: 06.02.2023. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19i 39/20), člana 69. stav (1) tačka b) i stav (2) tačka a), d) i e), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za sukcesivnu nabavku rezervnih dijelova za motorna vozila za potrebe Uprave policije, imenovane Rješenjem broj: 02/5-1-30-1-7938 od 08.11.2022. godine, u ponovnom postupku javne nabavke rezervnih dijelova za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

O PONIŠTENJU POSTUPKA JAVNE NABAVKE REZERVNIH DIJELOVA ZA MOTORNA VOZILA

I

Poništava se postupak javne nabavke rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo, i to:

1. iz razloga što nijedna od primljenih ponuda nije prihvatljiva:
 - LOT 4 – Nabavka rezervnih dijelova za motorna vozila marke Toyota.
2. iz razloga što su cijene svih prihvatljivih ponuda znatno veće od osiguranih sredstava za predmetnu nabavku:
 - LOT 2 – Nabavka rezervnih dijelova za motorna vozila marke Ford
 - LOT 3 – Nabavka rezervnih dijelova za motorna vozila marke Ssang Yong
 - LOT 5 – Nabavka rezervnih dijelova za motorna vozila marke Škoda
 - LOT 10 – Nabavka rezervnih dijelova za motorna vozila marke Suzuki.
3. iz razloga što u ostavljenom krajnjem roku nije pristigla nijedna ponuda:
 - LOT 8 – Nabavka rezervnih dijelova za motorna vozila marke Nissan.

II

Ova odluka stupa na snagu danom donošenja, objavit će se na web stranici www.mup.ks.gov.ba i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-8155/22 od 16.11.2022. godine i Obavještenja o nabavci broj: 16475-1-1-58-3-105/22 od 18.11.2022. godine, proveden je otvoreni postupak javne nabavke rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo, uz primjenu e-aukcije, s namjerom zaključivanja okvirnog sporazuma na period od 24 mjeseca.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-11-4-8155/22 od 28.12.2022. godine.

Prema Zapisniku sa otvaranja ponuda broj: 02-11-4-8155/22 od 28.12.2022. godine za aktivno učešće u postupku dostavljene su ponude ponuđača za:

- LOT 2 - Mirado d.o.o. Tuzla i Kare d.o.o. Sarajevo,
- LOT 3 - Kare d.o.o. Sarajevo
- LOT 4 – Bunjo d.o.o. Sarajevo i Kare d.o.o. Sarajevo,
- LOT 5 - Mirado d.o.o. Tuzla, Total Trade d.o.o. Doboj i Kare d.o.o. Sarajevo,
- LOT 10 - Kare d.o.o. Sarajevo.

Za Lot 8 u ostavljenom krajnjem roku nije pristigla nijedna ponuda.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-8155-6/22 od 18.01.2023. godine, kojim je utvrdila slijedeće:

- da za LOT 4 je pristigla ponuda ponuđača Bunjo d.o.o. Sarajevo. Ponuda je nepotpuna i ne ispunjava uslove tražene tenderskom dokumentacijom. Naime, Obrazac za cijenu ponude za LOT 4, a koji je dat kao Aneks III predmetne tenderske dokumentacije, nije popunjen kako je to zahtjevano tenderskom dokumentacijom.

Na stranici 29. ponude ponuđača Bunjo d.o.o. Sarajevo, u stavci 3., 17., 18., 19. i 23. Obrasca za cijenu ponude ponuđač je u ponudi naveo jedinična cijena 0,00, te je i ukupna cijena po stavci bez PDV-a 0,00,

Na stranici 30. ponude ponuđača Bunjo d.o.o. Sarajevo, u stavci 52. i 57. Obrasca za cijenu ponude ponuđač je u ponudi naveo jedinična cijena 0,00, te je i ukupna cijena po stavci bez PDV-a 0,00,

Na stranici 31. ponude ponuđača Bunjo d.o.o. Sarajevo, u stavci 70., 72., 79., 81., 82., 85., 86. i 87. Obrasca za cijenu ponude ponuđač je u ponudi naveo jedinična cijena 0,00, te je i ukupna cijena po stavci bez PDV-a 0,00,

Na stranici 32. ponude ponuđača Bunjo d.o.o. Sarajevo, u stavci 98., 99., 101., 104., 106., 113., 114., 119., 120., 121., 122. i 123. Obrasca za cijenu ponude ponuđač je u ponudi naveo jedinična cijena 0,00, te je i ukupna cijena po stavci bez PDV-a 0,00,

Na stranici 33. ponude ponuđača Bunjo d.o.o. Sarajevo, u stavci 127., 133., 134., 136., 140., 3., 4. i 9. Obrasca za cijenu ponude ponuđač je u ponudi naveo jedinična cijena 0,00, te je i ukupna cijena po stavci bez PDV-a 0,00,

Na stranici 30. ponude ponuđača Bunjo d.o.o. Sarajevo, u stavci 52. i 57. Obrasca za cijenu ponude ponuđač je u ponudi naveo jedinična cijena 0,00, te je i ukupna cijena po stavci bez PDV-a 0,00.

Tenderskom dokumentacijom Ugovorni organ u Obrascu za cijenu ponude pod tačkom 1. jasno je naveo da: „Cijene moraju biti izražene u KM. Za svaku stavku u ponudi mora se navesti cijena.“ Naprijed navedeno ponuđač Bunjo d.o.o. Sarajevo nije ispoštovao. U konkretnom slučaju nije ispoštovan ni član 2. tačka a) Zakona o javnim nabavkama („Službeni glasnik BiH“ broj: 39/14 i 59/22), jer ponuđena cijena 0,00 ne predstavlja ugovor sa finansijskim interesom.

Također, Obrazac za ponudu, u dijelu izjava ponuđača je neispravno popunjena u smislu da je na stranici 27. ponude ponuđača Bunjo d.o.o. Sarajevo u stavci 3. “Cijena naše ponude sa uključenim popustom (bez PDV-a)” naveo 0,00 KM.

Nadalje, utvrđeno je da je ponuđena vrijednost za Lot 4 cca pet puta veća od procjenjene vrijednosti nabavke za Lot 4.

U skladu sa naprijed navedenim, ponuda ponuđača Bunjo d.o.o. Sarajevo za Lot 4 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da za LOT 4 je pristigla ponuda ponuđača Kare d.o.o. Sarajevo. Ponuda je nepotpuna i ne ispunjava uslove tražene tenderskom dokumentacijom. Naime, Obrazac za cijenu ponude za LOT 4, a koji je dat kao Aneks III predmetne tenderske dokumentacije, nije popunjen kako je to zahtjevano tenderskom dokumentacijom.

Na stranici 14. ponude ponuđača Kare d.o.o. Sarajevo, iza stavke 7. Obrasca za cijenu ponude ponuđač je u ponudi izostavio navesti stavku 8. te je na stranici 15. nastavio od stavke 9., čime je

propustio navesti stavku 8. "disk pločice zadnje". Također, na stranici 13. i 14. ponude ponuđača Kare d.o.o. Sarajevo iza stavke 17 "ležaj amortizera prednji i zadnji" ponavlja se ista stavka 17 "ležaj amortizera prednji i zadnji".

Tenderskom dokumentacijom Ugovorni organ u tački 8. naveo da su okvirne količine predmeta nabavke date u Obrascu za cijenu ponude, koji je sastavni dio tenderske dokumentacije (Aneks III). U ponudi moraju biti ponuđene sve stavke na način kako je definisano obrascem za cijenu ponude. Tačkom 14. tenderske dokumentacije je propisano da ponuđač ne smije mijenjati ili nadopunjavati tekst tenderske dokumentacije.

U skladu sa naprijed navedenim, ponuda ponuđača Kare d.o.o. Sarajevo za Lot 4 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da za LOT 5 je pristigla ponuda ponuđača Total Trade d.o.o. Doboje. Ponuda je nepotpuna i ne ispunjava uslove tražene tenderskom dokumentacijom. Naime, Obrazac za cijenu ponude za LOT 5, a koji je dat kao Aneks III predmetne tenderske dokumentacije, nije popunjen kako je to zahtjevano tenderskom dokumentacijom.

Na stranici 11. ponude ponuđača Total Trade d.o.o. Doboje, u stavci 6. Obrascu za cijenu ponude ponuđač je u ponudi naveo jediničnu cijenu 0,00.

Na stranici 15. ponude ponuđača Total Trade d.o.o. Doboje, u stavci 66. Obrascu za cijenu ponude ponuđač je u ponudi naveo jediničnu cijenu 0,00,

Na stranici 11. ponude ponuđača Total Trade d.o.o. Doboje, u stavci 77. i 78. Obrascu za cijenu ponude ponuđač u dijelu ponude "okvirna količina" nije naveo količine, odnosno navedene rubrike nije popunio. U tenderskoj dokumentaciji koja je objavljena na portalu javnih nabavki i koju je ponuđač preuzeo sa portala javnih nabavki, navedene su količine za svaku pojedinačnu stavku.

Tenderskom dokumentacijom Ugovorni organ u Obrascu za cijenu ponude pod tačkom 1. jasno je naveo da: „Cijene moraju biti izražene u KM. Za svaku stavku u ponudi mora se navesti cijena“. Naprijed navedeno ponuđač Total Trade d.o.o. Doboje nije ispoštovao. U konkretnom slučaju nije ispoštovan ni član 2. tačka a) Zakona o javnim nabavkama („Službeni glasnik BiH“ broj: 39/14 i 59/22), jer ponuđena cijena 0,00 ne predstavlja ugovor sa finansijskim interesom.

U skladu sa naprijed navedenim, ponuda ponuđača Total Trade d.o.o. Doboje za Lot 5 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

U pristiglim ponudama Komisija je prilikom pregleda i ocjene ponuda utvrdila i postojanje računskih grešaka kako slijedi:

- Ukupni iznos u ponudi ponuđača Mirado d.o.o. Tuzla za LOT 2, nakon ispravljanja računске greške, treba da iznosi 206.520,40 KM umjesto pogrešno upisanih 195.441,50 (razlika 11.078,90 KM);

- Ukupni iznos u ponudi ponuđača Mirado d.o.o. Tuzla za LOT 5, nakon ispravljanja računске greške, treba da iznosi 58.546,70 KM umjesto pogrešno upisanih 57.732,70 (razlika 814,00 KM).

Uvidom u ponude ponuđača Kare d.o.o. Sarajevo za Lot 2 i Lot 5 i ponuđača Mirado d.o.o. Tuzla za Lot 2 i Lot 5 Komisija je utvrdila da su ponuđene ukupne cijene znatno veće od osiguranih sredstava za predmetnu nabavku. U članu 1. stav (3) Pravilnika o uslovima i načinu korištenja e-Aukcije („Službeni glasnik BiH“, broj: 66/16) data je definicija e-Aukcije, koja glasi: „E-Aukcija je način provođenja dijela postupka javne nabavke, koji uključuje podnošenje novih cijena, izmjenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacijskom sistemu e-Nabavke.“

S obzirom na navedeno, sa aspekta transparentnosti i podstičući aktivnu konkurenciju, svrsishodno i efikasno je dopustiti učestvovanje u e-Aukciji i ponuđačima čije ponude premašuju iznos procjenjene vrijednosti nabavke, jer će ponuđači zasigurno snižavati svoju cijenu i na taj način u krajnjoj liniji učiniti svoje ponude prihvatljivim u pogledu cijene.

Budući da se u postupcima nabavki u kojima se provodi e-Aukcija ponude rangiraju nakon e-Aukcije, tako se i odluka o izboru/poništenju postupka nabavke donosi nakon e-Aukcije. Shodno mišljenju AJN BiH broj: 02-02-1-2451-2/22 od 01.11.2022. godine, u kom stoji: „U cilju osiguranja principa zakonitosti i zaštite prava i interesa učesnika postupka javne nabavke ugovorni organ primjenjuje propis koji važi u momentu objave obavještenja o nabavci ili upućivanja zahtjeva za učešće kandidatima za postupke koji nemaju obavještenje o nabavci. Shodno tome, za postupak javne nabavke koji je pokrenut objavom obavještenja o nabavci ili upućivanjem zahtjeva za učešće prije 10.12.2022. godine ugovorni organ primjenjuje odredbe propisa koji je važio u momentu objave obavještenja o nabavci ili upućivanja zahtjeva za učešće.“, Komisija je, za lotove gdje je pristiglo više ponuda, ponude preko procjenjene vrijednosti nabavke za pripadajući lot ocjenila kao prihvatljive, te zakazala e-aukciju.

Nakon ovoga stekli su se uslovi za zakazivanje e-Aukcije.

E-aukcija je zakazana za dan 23.01.2023. godine sa početkom u:

- 10.40 sati za Lot 2;
- 11.20 sati za Lot 5.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-Aukcije Ugovorni organ je dobio Izvještaj Agencije za javne nabavke BiH o uspješno završenoj e-Aukciji i najpovoljnijem ponuđaču nakon završetka e-Aukcije. U toku e-Aukcije došlo je do smanjivanja cijena i podnošenja novih ponuda.

Nakon izvršenog rangiranja ponuda, Komisija je utvrdila da shodno kriteriju za dodjelu ugovora „najniža cijena“, kvalificirani ponuđači Kare d.o.o. Sarajevo je za Lot 2, Lot 3 i Lot 10 i Mirado d.o.o. Tuzla za Lot 5 su ponudili ukupne cijene koje znatno premašuju procjenjenu vrijednost nabavke i znatno su veće od osiguranih sredstava za predmetnu nabavku.

S obzirom da ugovorni u ovom momentu ne može obezbjediti nedostajući iznos sredstava za okvirni sporazum/ugovor koji treba da dodijeli, ponude ponuđača Mirado d.o.o. Tuzla i Kare d.o.o. Sarajevo nisu prihvatljive u ekonomskom smislu.

Nakon čega je Komisija sačinila konačan Zapisnik o pregledu i ocjeni ponuda broj: 02-11-4-8155-11/22 od 03.02.2023. godine sa preporukom o donošenju odluke o poništenju postupka.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav (1) tačka b) i stav (2) tačka a), d) e) Zakona o javnim nabavkama („Službeni glasnik BiH“, broj 39/14 i 59/22), riješeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.

POLICIJSKI KOMESAR
Generalni inspektor policije

Nusret Selimović

Dostaviti:

1. Sektoru za materijalno-finansijske poslove
2. Ponuđačima x4
3. Odjeljenju za odnose s javnošću, radi objave na web stranici ovog organa
4. a/a